



Broj: 02-49-2-919/12

Datum: 20.03.2012. godine

INFORMACIJA

o realizaciji Strategije za dostizanje vizije, Strategiji razvoja općine Tešanj 2007-2015,
Strategiji podrške mladima 2010-2015

Općina Tešanj ima tri općinska dokumenta strategije, Strategiju za dostizanje vizije (29.06.2007), Strategija razvoja općine Tešanj 2007-2015 (31.12.2007) i Strategiju podrške mladima 2010-2015 (11.02.2010) i iste se realiziraju na godišnjem nivou. Ukupan broj ciljeva definisan u ova tri strateška dokumenta je 163.

Stepen realizacije ciljeva iz ovih dokumenata, prema poslednjoj analizi iz decembra 2011. godine, je na nivou 63% ukupnog broja ciljeva. Postoje ciljevi koji se preklapaju, čak identično definiraju u različitim strateškim dokumentima, opravdano ali nepotrebno sa aspekta cjeline smjera kretanja lokalne zajednice. Postoje ciljevi koji su kao projekat, kao metodologija savladani ali zbog nedostatka resursa biće potrebno duže vrijeme realizacije. Ima i ciljeva koji su u cjelosti realizirani, ali i onih koji se realiziraju svake godine ali sada kao redovna aktivnost organa uprave, ustanove, preduzeća ili nekog drugog nosioca odgovornosti u okviru same djelatnosti.

Iz ovako složene strukture stvarnosti samih ciljeva, kao i na temelju znanja, vještina i iskustva koje je općinska administracija akumulirala od vremena donošenja strateških dokumenata do danas, općinski načelnik sa saradnicima je odlučio ponuditi Općinskom vijeću prijedlog da se pristupi izradi jedinstvene strategije.

Efekti koje bi trebalo postići izradom jedinstvenog strateškog dokumenta su sljedeći:

1. sinergija ciljeva
2. uključivanje samo onih ciljeva koji jesu strateški
3. optimizacija odnosa broj ciljeva/raspoloživi resursi
3. uključivanje obnovljivih izvora energije i energetske efikasnosti koja nije uključena u sadašnja dokumenta

Do izrade novog jedinstvenog strateškog dokumenta na snazi ostaju postojeći dokumenti.

Na temelju prethodnog, Općinsko vijeće Tešanj donosi sljedeće zaključke:

1. Pristupa se izradi jedinstvenog razvojnog strateškog dokumenta općine Tešanj
2. Zadužuje se Općinski načelnik da pripremi prijedlog rješenja Tima za izradu prethodnog dokumenta za narednu sjednicu OV-a

OPĆINSKI NAČELNIK
Fuad Šišić, dipl.ing.maš.
